

Josefa Naheng ea Egepeta

GENESE KHAOLO EA 39-40

KA MORA LEETO LA MATSATSI A MANGATA, JOSEFA, EA REKISITSOENG KE BAHOLOANE BA HAE E LE LEKHOBA, O ILE A QETELLA A FIHLILE EGEPETA.



JOALE POTIFARO, NA U TLA MO REKA KAPA CHE?

O MOCHA EBILE O MATLA. HO LOKILE, KE TLA MO REKA.

KA MORA NAKO, JEHOVA O ILE A THUSA JOSEFA HORE A ATLEHE E LE LEKHOBA NTLONG EA POTIFARO . . .



U BOETSE U SEBELITSE HANTLE HAHOLO, JOSEFA!

KEA LEBOHA MONGHALI. MOLIMO OA KA JEHOVA, KE EENA EA NTHUSANG.

U MOHLANKA EA MOLEMO, JOSEFA. HAESALE U NTŠEBELE TSA, MOLIMO OA HAO O HLOHONOLOFALITSE LELAPA LA KA.

HO TLOHA JOALE HO EA PELE, KE BATLA HORE U OKAMELE NTHO E 'NGOE LE E 'NGOE KA TLUNG EA KA LE TŠIMONG EA KA.

KE MOHLANKANA EA MOTLE HAKAAKANG . . .

LETSATSI LE LETSATSI, MOSALI OA POTIFARO O NE A BOLELLA JOSEFA TABA E TŠOANANG . . .


ROBALA LE 'NA.

CHE! MONGA KA-E LENG MONNA OA HAO-O MPEHILE HORE KE OKAMELE NTHO E 'NGOE LE E 'NGOE EA HAE. EMPA UENA U MOSALI OA HAE, KAHOO, NKE KE KA ROBALA LE UENA. SEO E KA BA SEBE HO MOLIMO!


KA LETSATSI LE LENG, HA JOSEFA E LE EENA FEELA MONNA EA SETSENG NTLONG EA POTIFARO . . .

ROBALA LE 'NA!


CHE! NTLOHELE KE TSAMAE!



HA POTIFARO A KHUTLA, MOSALI OA HAE O ILE A MO BOLELLA LESHANO.



... EABA JOSEFA O LEKA HO ROBALA LE 'NA. EMPA KE ILE KA HOELETSA, EABA O SIEA SEAPARO SA HAE 'ME OA BALEHA.



JOSEFA O LOKELOA KE KOTLO!



POTIFARO A LAELA HORE JOSEFA A LAHLELOE CHANKANENG ...



EMPA JEHOVA O ILE A TSOELA PELE HO HLOKOMELA JOSEFA.

KA LETSATSI LE LENG, JOSEFA A BONA BATSOARUOA BA BABELI BA NENG BA KILE BA SEBELETSA FARO, MORENA OA EGEPETA.

KE HOBANE'NG HA LE KOATILE HAKAALE KAJENO?

RE LORILE.

EMPA HA HO MOTHO EA KA RE BOLELLANG HORE NA LITORO TSA RONA LI BOLELANG.

KE ILE KA BONA MAKALA A MARARO A BEHILENG MORARA. EABA KE PEPELELA MORARA OO KA SENOELONG SA FARO 'ME KA MO FA SONA.

MOLIMO A KA LE THUSA HO UTOLOISISA HORE NA LI BOLELANG. KE KOPA LE MPHELETE LITORO TSA LONA.

'NA KE LORILE HO E-NA LE LIBASKETE TSE THARO TSA BOHOBE HLOOHONG EA KA. EABA LINONYANA LI QALA HO JA LIJO TSA FARO KA BASKETENG EO.

TORO EA HAO E BOLELA HORE KA MORA MATSATSI A MARARO U TLA KHUTLELA MORAO HO EA SEBELETSA FARO. HA U KHUTLELA, KE KOPA HORE U NKHOPOLE 'ME U BOLELE FARO KA 'NA KAHA KE NE KE KOETETSOE, EBILE HA KEA LOKELA HO BA CHANKANENG MONA.

TORO EA HAO E BOLELA HORE KA MORA MATSATSI A MARARO FARO O TLA U BOLAE!

MATSATSI A MARARO KA MOR'A MOO, KA LETSATSI LA TSOALO EA FARO, O ILE A RE MOTSOARUOA OA PELE A TLO MO SEBELETSA HAPE. EMPA FARO O ILE A BOLAE MOTSOARUOA OA BOBELI.

HA FETA NAKO . . . 'ME MOTSOARUOA EA PHOLOHILENG A 'NA A LEBALA HO BOLELLA FARO KA JOSEFA. EMPA NA JEHOVA O ILE A LEBALA JOSEFA? NA JOSEFA O NE A TLA QETELLA A TSOILE CHANKANENG? PALENG E LALELANG EA BIBELE E TSAMAIANANG LE LITSOANTSO, ITHUTE KAMOO JOSEFA A ILENG A KHONA HO THUSA BA LELAPA LABO—LE SECHABA KAOFELA!

RE ITHUTA'NG HO JOSEFA HA A LE NAHENG EA EGEPETA?

KE HOBANE'NG HA JOSEFA A ILE A MAMELA JEHOVA ESITA LEHA A NE A LE HOLE HAHOLO LE BA LELAPA LABO? NTLHA E THUSANG: LIPROVERBIA 15:3.

KE HOBANE'NG HA JOSEFA A ILE A BALEHA HA MOSALI OA POTIFARO A LEKA HO ETSA HORE JOSEFA A ETSE SEBE? NTLHA E THUSANG: GENESE 39:9.

HA EBA RE ATLEHILE KAPA RE E-NA LE BOKHONI BO KHETHEHILENG, RE LOKELA HO HOPOLA ENG? NTLHA E THUSANG: GENESE 39:3, 23; 1 BAKORINTHE 4:7.